

SETA NEOEI

NO. 256

Mingitari Solnaitiji

8, 1908

Le Messenger Micmar

The Micmar Messenger

Petit Journal publié par le R. P. Pacifique, Missionnaire, à Sainte-Anne de Ristigouche, P. Q. No. 256. 1er aout, 1908



Yearly Subscription 50 cents; Single Copies, 5c. Address all communications to Rev. F. Pacifique, Restigouche, P. Q.

PATLIASEOEI GELOSOAGAN

Lôg oelaptem tan nitjaantijtg epe- goitnag pigoelgig nige oespatotijj sol- naltijtg ag tan teli ollotemittij, ola pgeog tet nemitoten tan teloigasig.

Getoi almitogoi gitjga ola tepgenoset nalgitgonietjg ag onamagig. Pogomgeg oigomit lno sagmao, tetli gin- amoas oetjategemg agantieoimg 9 tes. tepgenoset. Tôgo lieian nagasites gôs- pemg gitjga pa sig otjit emitgoaltim- geoetijtg, aptj elmstelg tjiptog aps- goasian ag gtjipogtog. Li mitogoalas sagmao San Teni ag getoi nemito pilei alasotmôgoôm tan telasig; oegôgmag elp lias ag oagametgog, tôgo gtjigang ag goesômgiag; etog teg:logonag gtji- gang pgitgates, tan menag oetjioe.

Ola tepgenoset loleoiimgeol teloisit, meta tllisip 25 tes. pestleoafot oia sap- eoino elegeoit, oitjioisonig lnoi alasot- môgoôm gessagepgiag. Elp pestleoim- gel, 4 tes. S. Tômnig, tôgo na nagoeg ninasonos gotjino papeoit Piô mte- neo: 4, 10 S. Lôlan, 12 Sg. Glef, 15 Mali oenagaloteg na nagoeg gtjipogtogeol gtjipatliaseoagig tegôtemeg ag môgoe elogotimes, 16 S. Soasen, oetjioitemeg alasotmôgoôm natoageneg, 24 S. Pat- lemin, 28 S. Agostin; 29 San Patis tpmgoetôs, 30 Sg. Lôs limaol.

Alasotmelseoantj Felnal Lalôgôg nepeg 8 tes. Set. Tpeg. 1908. listogotjg maltjeoetj tjinem 33 pesiponat, otgota- lot tes. ag gteg alames eltasigsep gisi Setaneoiimgeg tapoôoel elogotimgeg.

Elp mitjoatijtg nepeg Piel Tôpi oto- tjtijel Sosamtijtgog 7 tesiponat, 17 tes. tpeg. Tôgo sigentasit alpatotijtg 3 tes. Sôsep Samioel Gle ogoitijtg, ag Taniel Pasg ototijtgil Losil; elp Felnal Palnape ogoitijtg Piel Alpet 6 tes. Piel. tpeg. Tjôtj Lapiloa 25 Mali tpeg. San Môlsôn 17, Nastasi Tôpi 7, Toma Tômnig 15 pag. tpeg. Gelepi Tetam 10, net tesitjg getjigao.



SETANEOIIMGEOEL

Gteg agantieoti igagep gogomitjino opestieotim, ag metj pemi gpmiteimot ag emtôgoalot lnoegatig. Negem tôg elp metj oleiolgoteo teligenat ag eoli- teteget.

LISTOGOTJG maoi pigoelgepenig mimatjoinog mesgig alamesigeg ag tcoaltimgeg tôgo gisi miaolagoeg gisi alassoimamgep tllisip mosgatasigsep- emel napoigigenel matjatigel, sagaoel ilagotaganigtog tliel, na Sôsep Sagôp ogoisel oitjigemataga tan teli ntoisgells ogtinin oesami oisgoaltg, Esipteg ela- los ag gess gisteoitg sagmasgol getoi apattelasenel eln tana sig peoatem- elisenel oinalogon glapis ogtôgôn gôg- oatasenel tan nagtemoasenel, mo pa getoi asstemogsep eioeoti metoitetges

Gisolgol ogoaloan; na oetji pgitj gisteois, tapoipongeg metj pisi laplo- senigtog. Tôgo tllisip tealos ogno- temoan elegeoitijel tan sespetasiltijel; tjel oetji ptjili gsalsepen; ag espal- sepenel istege tapoôoel sagmao eleg- coagig. Tllisip oitjigimatga apigsig- toaseniga taniga netoigellip ogtinin, ag gisi apigsigtoateg oigomaseniga ag otjôôoa, tôgo elaseniga; Nogotj ola mset tlagatemotigo ma oegoalnoôog gôgoela.

Na mset oeli migottetemottijg tan nemitotijtg listogotjga meta telamogol oegela istege pa mimatjimgel.

Elp pagalamot Taniel nigani gtjtji- tegeoinopitaloôgoôm, ansaleoitijel no- tjeiasepenel. Elp sagaoel elegeoit tan lôg oinsit Paltasal mao oigopalsotijtg onagapemga getoi mallgôtemitijel sa- peoigel gôgoel Selosalemg tliel oetji elmatôgsepenel Papiônog. Tôgo gess el gisi ngotômgoanattites, nemitemges mpiten lôgôpsenigenigtog eoigiges tan tli nepôten ag mo pegtjehog smagenisg oetjgoitajig ag mset nepattij.

Piloel aptj nemitemgesenel gôgoel mé oesgdoelmgeol. Natel oetjigsep nel \$47 ogtjlt alasotmôgoôm esgoiag gis gisi apangitosenig tanig notjôtamittij ag megôtigel napoigigenel ag oasôgô- nemaganel gasaoôg apapi.